



Grad Cazin

KORACI ZA POČETAK POSLOVANJA



KORAK 1.

Priprema i sastavljanje osnivačkog akta (notar)

KORAK 2.

Uplata osnivačkog uloga

KORAK 3.

Registracija kod mjerodavnog općinskog/osnovnog suda

KORAK 4.

Izrada pečata

KORAK 5.

Otvaranje žiro računa u poslovnoj banci

KORAK 6.

Prijavljivanje preduzeća i zaposlenih u poreznu upravu

KORAK 7.

Izjava osnivača o ispunjavanju svih uslova za počinjanje aktivnosti (predaje se nadležnoj inspekcijskoj službi)

Trajanje i troškovi osnivanja privrednog društva

Postupak sudske registracije poslovnog subjekta u skladu sa zakonom traje 5 dana.

Koraci	Troškovi
1. Osnivački akt-notarska obrada	300 KM
2. Uplata osnivačkog uloga	1000 KM
3. Registracija u nadležnom sudu	320 KM (sudska taksa) +150,00 KM objava upisa u susdski registar u Službenim novinama F BiH
4. Izrada pečata	20-50 KM
5. Otvaranje žiro računa u poslovnoj banci	Nema troškova
6. Registracija u poreznoj upravi	Nema troškova
7. Obavijest nadležnoj općinskoj službi	50 KM (administrativna taksa)
8. Troškovi advokata	600 KM

Tabela – troškovi po koracima

VRSTE PREDUZEĆA

Zakon o privrednim društvima FBiH („Službene novine FBiH“, br. 81/15) regulira osnivanje, rad i prestanak poslovanja privrednih društava u BiH.

Društvo s neograničenom solidarnom odgovornošću (d.n.o. / o.d)

Osniva se zaključivanjem ugovora između dvije ili više domaćih/stranih fizičkih osoba. Članovi odgovaraju neograničeno solidarno za obaveze preduzeća. Nije utvrđen minimum ili maksimum osnovnog kapitala.

Društvo s ograničenom odgovornošću (d.o.o.)

Osniva se donošenjem akta o osnivanju ili ugovorom između jedne ili više domaćih/stranih fizičkih i/ili pravnih osoba s osnovnim kapitalom podijeljenim u uloge. Član društva s ograničenom odgovornošću odgovara za obaveze društva u visini njegovog uloga u istom. Minimum osnovnog kapitala iznosi BAM 1.000 (cca 500 EUR).

Komanditno društvo (k.d.)

Osniva se ugovorom između dvije ili više domaćih/stranih fizičkih osoba i/ili pravnih osoba. Najmanje jedan partner ima potpunu odgovornost (uključujući privatno vlasništvo) i najmanje jedan partner ima ograničenu odgovornost koja se ograničava vrijednošću njegovog udjela u tom preduzeću. Nije utvrđen minimum ili maksimum osnovnog kapitala.

Dioničko odnosno akcionarsko društvo (d.d. /a.d.)

Pravno je društvo koje se osniva ugovorom jedne ili više domaćih/stranih fizičkih ili pravnih osoba – dioničara s početnim kapitalom podijeljenim u dionice. Otvoreno društvo je pravna osoba (banka, osiguravajuće društvo ili preduzeće) s minimumom osnovnog kapitala od BAM 4.000.000 (cca 2.000.000 EUR) i najmanje 40 dioničara čije su dionice emitirane putem javne ponude. Zatvoreno društvo je vrsta dioničkog društva čije se dionice izdaju među ograničenim brojem sudionika. Minimum osnovnog kapitala je BAM 50.000 (cca 25.000 EUR).

OSNIVANJE PREDSTAVNIŠTVA STRANIH LICA U BiH

Strano lice može osnovati Predstavništvo u BiH radi istraživanja tržišta, obavljanja propagandnih i informativnih poslova, te radi svog predstavljanja.

Predstavništvo nema status pravnog lica, odnosno Predstavništvo ne može zaključivati ugovore u ime osnivača izuzev predstavništva stranih avioprijevoznika koji mogu vršiti prodaju prijevoznih dokumenata u skladu sa međudržavnim ugovorima i međunarodnim konvencijama koje je zaključila ili kojim je pristupila Bosna i Hercegovina.

Predstavništvo može započeti sa radom nakon upisa u Registar predstavništva stranih lica u Bosni i Hercegovini koji se vodi u



Ministarstvu vanjske trgovine i ekonomskih odnosa BiH.

Ministarstvo vanjske trgovine i ekonomskih odnosa BiH je dužno da o prijavi za upis u registar odluči u roku od 10 dana, od dana podnošenja.



Grad Cazin

tel: ++ 387/37-514-006

fax: ++387/37-514-314

web: www.opcinacazin.ba

e-mail: op.cazin@bih.net.ba